



KERATAN AKHBAR

SURAT KHABAR	:	HARIAN METRO		
TARIKH	:	6/12/2020	MUKA SURAT	: 17
JABATAN	:	PERHILITAN		
KLASIFIKASI	:	PERHATIAN		

Oleh Mohd Jamilul
Anbia Md Denin
anbia@hmetro.com.my

Putrajaya

Diberikan nama unik Covid sempena pandemik Covid-19 yang melanda dunia tahun ini.

Itulah nama diberikan kepada seekor anak seladang yang berjaya dilahirkan di Pusat Konservasi Hidupan Liar (PKHL) Sungkai, Perak baru-baru ini.

Ketua Pengarah Jabatan Perindungan Hidupan Liar dan Taman Negara (Perhilitan) Datuk Abdul Kadir Abu Hashim berkata, kelahiran seekor anak seladang jantan itu adalah hasil usaha berterusan kakitangan PKHL dalam membiakkan spesies hidupan terancam itu. Menurutnya, anak seladang yang diberi nama Covid

COVID SIHAT SEJAK LAHIR

Anak seladang di PKHL Sungkai diberi nama unik sempena pandemik



itu adalah anak kepada pasangan seladang liar diberi nama November dan Daisy. "Covid seekor anak seladang yang sangat aktif dan sihat sejak dilahirkan. Pemantauan secara berterusan dilakukan Perhilitan bagi memastikan ia sentiasa selamat dan sihat. "Kelahiran anak seladang ini adalah hasil inisiatif Jabatan Perhilitan Semenanjung Malaysia dalam melin-

Pemantauan secara berterusan dilakukan Perhilitan bagi memastikan Covid sentiasa selamat dan sihat"

Abdul Kadir Abu Hashim

dungi dan memelihara biodiversiti negara demi kesejahteraan generasi akan datang," katanya, semalam. Menurutnya, Perhilitan turut menerima satu lagi khabar gembira berhubung kelahiran seekor anak tenggiling betina di PKHL Sungkai, Perak.

"Tenggiling betina ini adalah anak kepada pasangan tenggiling diberi nama Gerik dan Balan. Ini adalah ke-

ANAK seladang bernama Covid selamat dilahirkan di PKHL Sungkai, Perak.

lahiran kedua tenggiling dalam kurungan bagi tahun 2020," katanya.

Selain PKHL Sungkai, sebanyak 62 anak seladang dilahirkan secara semula jadi di PKHL Seladang, Jenderak Selatan, Pahang sejak 2010 hingga kini. Ditahankan seladang

bunting 10 bulan dan anaknya menyusui sehingga usia sembilan bulan. Seladang antara binatang dilindungi sepenuhnya di negara ini, dan tindakan mengikut Akta Perlindungan Hidupan Liar 2010 dikenakan kepada pihak yang memburunya.



Harian Metro 6/12/2020 m/s 17

